



Konsantman Eklere pou Fè yon Tès VIH

Depatman Lasante Leta NouYòk
Enstiti SIDA

Desizyon pou fè yon tès VIH volontè. Pou ka fè yon tès VIH nan Leta NouYòk, ou dwe bay konsantman w pa ekri anba fòm sa a.

Lè wap Teste pou Enfeksyon VIH

Metòd Tès yo:

Genyen yon pakèt tès yo ka fè pou detekte si w enfekte ak VIH, virus ki koze SIDA. Doktè w ak konseye w ka ba w enfòmasyon espesifik sou tès sa yo. Tès sa yo enplike koleksyon san, pipi oswa saliv. Tès ki pi komen pou VIH se tès antikò VIH la.

Siyifikasyon Rezulta Tès VIH la:

- Yon rezulta negatif pou tès antikò VIH la vle di ke li trè posib ke w pa enfekte ak VIH, men li ka pa montre enfeksyon ki resan. Si w panse ke w te ekspose a VIH, ou dwe fè tès la ankò nan twa mwa aprè dènye fwa ou panse ou te ekspose a.
- Yon rezulta pozitif vle di ke w enfekte ak VIH epi ou ka enfekte lòt moun.
- Pafwa rezulta tès antikò VIH la pa klèman pozitif oswa negatif, oswa se ka yon rezulta preliminè. Doktè w oswa konseye w pral eksplike w rezulta a, e ka mande w pou bay konsantman w pou fè lòt tès.

Tès VIH ki konfidansyèl oswa Anonim:

Lè w deside pou fè yon tès antikò VIH, ou ka chwazi swa yon tès konfidansyèl oswa anonim.

- Si w vle rezulta tès ou a fè pati dosye medikal ou pou yo ka itilize l pou swen medikal ou, ou ka fè yon tès konfidansyèl. Yon tès konfidansyèl mande pou ou bay non w.
- Si w pa vle pèsonn konnen rezulta tès ou a oswa ou pa vle pèsonn konnen ke ou te fè tès la, ou ka fè yon tès anonim nan yon kote yo fè tès anonim. Yo pap mande w non w, adres ou oswa okenn lòt enfòmasyon ki ka idantifye w.
- Si w jwenn yon rezulta tès VIH pozitif nan yon kote yo fè tès anonym ke Depatman lasante Leta NouYòk apwouve, ou pral genyen chwa pou bay non w pou chanje rezulta tès la pou konfidansyèl. Sa pral pèmèt ke rezulta tès ou a fè pati de dosye medikal ou.

Benefis Lè w fè Tès:

Genyen anpil benefis lè w fè yon tès VIH epi lè w konnen si w enfekte.

Si rezulta tès VIH ou a negatif:

- Doktè w oswa konseye w pral di w kouman pou pwoteje tèt ou pouka pa enfekte ak VIH a lavni.

Si rezulta tès VIH ou a pozitif:

- Doktè w ka baw swen medikal ki ka ede w rete an sante epi ki ka kontwole maladi VIH la.
- Doktè w oswa konseye w ka di w kouman pou evite transmèt virus la bay patnè seks ou yo oswa avek moun ou pataje zegwi.
- Ou ka ogmante chans pou rete ansante lè w manje manje ki byen balanse epi ki nitritif, lè w dòmi byen, fè egzèsis, evite alkòl, tabak, ak dwòg, lè w redwi estrès epi vizite doktè w regilyèman pou li tcheke w.

Si w se yon fanm epi rezulta tès VIH ou a pozitif:

- Si w anvi fè yon timoun, doktè w pral ba w enfòmasyon pou ede w fè chwa eklere sou swen medikal ak gwo sès ou.
- Si w ansent, doktè w ka ba w swen ke w bezwen ansam ak enfòmasyon sou sèvis ak chwa ke w genyen. Doktè w ka pale w de risk ke w ka transmèt enfeksyon virus la bay ti bebe a, sou medikaman ke yo bay pandan gwo sès la ki ka konsiderableman redwi risk pou pase VIH la bay ti bebe w la, ak swen medikal ki disponib pou ti bebe ki ka enfekte ak VIH.
- Si w akouche oswa bay yon timoun tete depi ke w te enfekte, timoun ou an pral bezwen teste pou VIH epi, sil enfekte, li ka bezwen swen ak tretman siplemantè. Doktè w ka baw enfòmasyon sou swen medikal ki disponib pou timoun ki ka enfekte ak VIH.

Konfidansyalite Enfòmasyon sou VIH:

Si w fè tès antikò VIH la, rezulta tès yo konfidansyèl. Selon lalwa Leta NouYòk, yo ka bay enfòmasyon konfidansyèl sou VIH sèlman a moun ke w pèmèt pou gen enfòmasyon sa a lè w bay konsantman w pa ekri, oswa a moun ki bezwen konnen si wi ou non ou genyen VIH pou yo ka bay swen ak sèvis medikal tankou: moun ki bay swen medikal; moun ki patisipe nan swen mezon dakèy oswa adopson; paran ak gadyen ki konsanti pou pran swen timoun minè; prizon, amplwaye ki mete moun nan pwobasyon ak libète kondisyonèl, travayè ki reponn lè genyen yon ijans ak lòt moun ki travay nan lopital, lòt kote ki regularize oswa sant medikal, ki ekspoze ak san/likid òganik pandan yap travay, ak òganizasyon ki revize sèvis ke w resevwa. Lalwa pèmèt ke yo piblye enfòmasyon sou VIH ou a nan sikonstans limite: lè tribinal bay lòd pou sa; bay ofisyèl lasante piblik jan lalwa a mande sa; ak moun ki bay asirans lè sa nesesè pou yo peye pou swen ak tretman.

Kouman yo Rapòte Enfòmasyon an:

Yo pral rapòte non w bay depatman lasante si yo konfime ke rezulta tès antikò w te fè nan kote yo fè tès konfidansyèl la pozitif, lòt rezulta tès ki gen rapò ak VIH, yo disène ke w genyen SIDA, oubyen si w te chwazi pou mete non w si rezulta tès ou te fè nan kote yo fè tès anonim la pozitif. Depatman lasante pral itilize enfòmasyon sa a pou swiv epidemi an epi pou fè bon planifikasyon pou prevansyon, swen medikal ak lòt sèvis.

Alète Patnè w yo:

Si tès VIH ou a pozitif, doktè w pral pale avek ou konsènan enpòtans ak benefis pou fè patnè w yo konnen ke li posib ke yo ekspoze a VIH. Li enpòtan pou fè patnè w konnen ke li posib ke yo te ekspoze a VIH kòm sa yo ka konnen si yo enfekte e benefisyè de dyagnostik ak tretman bonè. Doktè w ka mande w non patnè w yo, epi eske w pap an danje si yo avèti yo. Si w te nan yon relasyon ak youn nan moun sa yo kote yo tap maltrete w, li enpòtan pou pataje enfòmasyon sa yo ak doktè w. Pou piplis enfòmasyon sou sèvis ki genyen rapò ak yvolans domestik, rele, 1-800-942-6906.

- Daprè lalwa leta, doktè w genyen obligasyon pou li rapòte bay depatman lasante non tout patnè w yo (patnè seks ou genyen koulye a oswa ou te genyen lontan, ikonpri mari w oswa madanm ou, ak moun ou pataje zegwi ak yo) ke yo konnen.
- Si w genyen lòt patnè ke doktè w pa konnen, ou ka bay doktè w non yo pou yo ka avèti yo.
- Genyen anpil chwa ki disponib a oumenm e doktè w pou ka avèti patnè yo. Si oumenm oswa doktè w pa genyen yon plan pou avèti patnè w yo, Depatman Lasante ka anorse yo sa san yo pa di non w. Si lè yo avèti patnè w yo sa ka mete lavi w an danje, Depatman Lasante ka retade avètisman pou ka genyen tan pou jwenn sèvis prevansyon yvolans domestik.
- Si w pa bay doktè w non ankenn nan patnè w yo oswa si yo bezwen konfime enfòmasyon sou patnè w yo, Depatman Lasante ka kontakte w pou mande kooperasyon w nan pwosesis sa a.

Konfidansyalite Rezulta Tès VIH ak Enfòmasyon ki Gen Rapò ak Li:

Si w santi ke yo pa respekte konfidansyalite w, oswa pou piplis enfòmasyon sou konfidansyalite VIH, rele Depatman Lasante Leta NouYòk Liy pou Konfidansyalite VIH nan 1-800-962-5065. Nenpòt moun ki ap bay swen oswa sèvis sosyal ki ilegalman bay nenpòt moun enfòmasyon sou VIH ou ka resevwa pinisyon yon amand ki ka rive jiska \$5,000 epi li ka ale nan prizon jiska 1 an. Lalwa pwoteje w kont diskriminasyon nan kote pou rete, travay, swen medikal oswa lòt sèvis. Pou piplis enfòmasyon, rele Divizyon Dwa de Lòm Leta NouYòk nan 1-800-523-2437.

Yo reponn Keksyon ke mwen genyen konsènan tès antikò VIH. Mwen dakò pou mwen fè tès VIH la.

Siyati: _____

Dat: _____

Mwen te bay konsèy anvan tès la selon atik 27-F Lalwa sou Lasante Piblik Leta NouYòk. Mwen te reponn keksyon moun sa a ki siyen anwo a konsènan tès la epi mwen te ofri li yon kopi fòm sa a ki pa siyen.

Siyati:_____ Tit:_____

Kote yo fè tès la/Non Doktè a:_____